



АКАФИСТ

ПРЕСВЯТОЙ БОГОРОДИЦЕ
В ЧЕСТЬ ИКОНЫ ЕЕ

«ВОСПИТАНИЕ»



**Акафист
Пресвятой Богородице
в честь иконы Ее
«Воспитание»**



МОСКВА
2015

УДК 243
ББК 86.372
А38

*Допущено к распространению
Издательским Советом
Русской Православной Церкви
(ИС Р15-525-3438)*

А38 **Акафист Пресвятой Богородице в честь
иконы Ее «Воспитание». — М.: Благовест,
2015. — 32 с.**

**УДК 243
ББК 86.372**

ISBN 978-5-9968-0473-3

© Издательство «Благовест» –
текст, оформление, оригинал-
макет, 2015



АКАФИСТ ПРЕСВЯТОЙ БОГОРОДИЦЕ В ЧЕСТЬ ИКОНЫ ЕЕ «ВОСПИТАНИЕ»

Кондак 1

Взбрáнной Воево́де и благо́й
Воспита́тельнице рóда христиáн-
скаго, я́ко избáвльшеся от злых,
благодáрственная воспису́ю Ти
раба́ Твоя́, Богоро́дице, но я́ко
иму́щая держа́ву непобеди́мую,
от всяких бед ча́до моё свободи́,
да со слезáми бо зову́ Ти:

Воспита́й, Влады́чице, ча́до
моё (*имя*) досто́йным Небе́снаго
Ца́рствия и наслéдником вéчных
благ егó сотвори́.



Икос 1

А́нгела с небесе́ послáти ча́-
ду моему́ исхода́тайствуй, Пре-
свята́я, у Сы́на Своего́ и Бо́га,
якоже и Тебе́ по́слан бысть
хранíteль прекрѣпкий — Гав-
риѣл Арха́нгел, и сподо́би мя
взывáти Тебе́ сѣце:

Воспита́й ча́до моё земнымъ
А́нгеломъ; воспита́й ча́до моё не-
бѣснымъ челове́комъ.

Воспита́й ча́до моё Тебе́ угод-
нымъ; воспита́й ча́до моё сокру-
шеннымъ ду́хом и сѣрдцемъ.

Воспита́й ча́до моё Твоѣмъ ра-
бо́мъ; воспита́й ча́до моё зову́щимъ
Тебе́: «Ра́дуйся, Благода́тная, Гос-
по́дь с Тобо́ю!»



Воспита́й, Влады́чице, ча́до
моё (*имя*) досто́йным Небе́снаго
Ца́рствия и насле́дником ве́чных
благ егó сотвори́.

Кондак 2

Ви́дяще моё ма́тернее молéние
о ча́де моём к Тебе́ еди́ной,
Влады́чице, приими́ егó под Свой
честный и милосе́рдный покрóв,
да воззовёт Бо́гу: *Аллилу́иа*.

Икос 2

Ра́зум ча́ду моему́ послí, ка́ко
до́бре Ти послужи́ти и напо́лни-
ти се́рдце егó премудростию
небе́сною, навча́ющи сию́ еди́ну



возлюбѣти, земная же презира-
ти, и не возбранѣи устѣм моѣм
вопѣти таковая:

Воспитаѣй чадо моѣ мѣдрым,
якоже змѣя, и простѣм, яко
голубіе; воспитаѣй чадо моѣ
имѣющим рѣзум на благое и не
имѣющим на грех.

Воспитаѣй чадо моѣ премѣдрым
протѣву кѣзней дѣавольскихъ; вос-
питаѣй чадо моѣ устраѣвающим мѣд-
ре житіе своѣ по ѡбразу святѣхъ.

Воспитаѣй чадо моѣ, питаѣущи
его млѣком премѣдрости Бѣжия
сокровѣнныя; воспитаѣй чадо моѣ,
да взыскѣет премѣдрость сѣю во
всем житіи своѣмъ.

Воспитаѣй, Владѣчице, чадо
моѣ (*имя*) достѣйным Небѣснаго



Царствія и наслѣдникомъ вѣчныхъ
благъ его сотвори.

Кондак 3

Сила Вышняго да осенитъ чадомое Твоего ради неусыпнаго
предстательства предъ Сыномъ Твоимъ, да познавъ Твое матернее
милосердіе ко всемъ, притекающимъ къ Богу съ вѣрою, воззоветъ
Ему: *Аллилуиа*.

Икос 3

Имуще отъ Бога чадомое, не хочѹ узрѣти его въ мѹкѣ вѣчно
пребывающа, но паче записаннаго въ книгѣ жизни и наслѣ-



дующим живёт вѣчный. Сего
ради, Пречистая Дѣво, приклони
ухо к молѣнію моему, взываю
Тебѣ:

Воспита́й чадо моё, да избе́гнет
вѣчных мук; воспита́й чадо моё,
да насле́дует живёт вѣчный.

Воспита́й чадо моё, да про-
хо́дит путь житія в покая́нии;
воспита́й чадо моё, да потщѣ́тся
претру́дно стяжа́ти благода́ть
Ду́ха Свята́го.

Воспита́й чадо моё, да попе-
че́тся усѣ́льно восхѣтити Ца́рст-
вие Небе́сное; воспита́й чадо
моё, е́же бы́ти запи́санным ему́
в кни́гу жи́зни.

Воспита́й, Влады́чице, чадо
моё (*имя*) досто́йным Небе́снаго



Царствия и наследником вечных
благ его сотвори.

Кондак 4

Бурю внутри имущи помыш-
лений сумнительных, видящи
соблазнов множество, желаючи
же чаду моему вникти в живот
вечный, рыдаю; воспомянувши
же Твоя милости пребогатыя,
во уповании и умилении сердца
пою Сыну Твоему: *Аллилуиа*.

Икос 4

Слышащи глас Твой, глаго-
лющий Сыну Твоему: «Данных
Мне Тобою в удел сохраняй во



вѣки», — простираю рѹце мой и
сѣрдце к Твоемѹ милосѣрдію да
вѹзмеши чадѹ моѣ в рабѹ Твоѹ
и испѹлниши прошѣнія моя
таковѹя:

Воспитаѹ чадѹ моѣ в удѣле
Твоѣм пресвятѹм; воспитаѹ ча-
дѹ моѣ со всѣми избранными
Твоѹими.

Воспитаѹ чадѹ моѣ рабѹм,
творящим вся Бѹжія повелѣнія;
воспитаѹ чадѹ моѣ шѣствующим
ѹзким путѣм заповѣдей Сына
Твоегѹ во Иерусалим Гѹрний.

Воспитаѹ чадѹ моѣ ѹщущим
пѹмощи у Тебѣ едѹныя; воспитаѹ
чадѹ к животѹ вѣчному.

Воспитаѹ, Владѹчице, чадѹ
моѣ (*имѹ*) достѹйным Небѣснаго



Царствия и наследником вѣчных
благ его сотвори.

Кондак 5

Боготѣчная звезда утренняя,
Сын Твой, Пресвятая Дѣво, да
возсияет свѣтом невечѣрным в
сѣрдце чада моего, во еже воз-
звати ему Богу: *Аллилуиа*.

Икос 5

Видящи мое прилежное молѣ-
ние, возносимое Тебѣ, прими
сие, яко фимиам благовонный, и
не отврати лица Твоего от моего
чада, аще и отвратится сей (*или*
сия) от Тебѣ, но паче услыши



глаго́лы уст мо́их, вопи́ющих
Тебе́:

Воспита́й ча́до моё́ ни́щим
ду́хом, да вни́дет в Ца́рство Не-
бе́сное; воспита́й ча́до моё́ пла-
чущим, да утёшится.

Воспита́й ча́до моё́ кро́тким,
да насле́дит зе́млю; воспита́й
ча́до моё́ а́лчущим и жа́ждущим
пра́вды, да насы́тится.

Воспита́й ча́до моё́ ми́лос-
тивным, да поми́лует его́ Госпо́дь;
воспита́й ча́до моё́ чи́стым се́рд-
цем, да Бо́га у́зрит.

Воспита́й ча́до моё́ миро-
тво́рцем, да ча́дом Бо́жиим наре-
ку́тся.

Воспита́й, Влады́чице, ча́до
моё́ (*имя*) досто́йным Небе́снаго



Царствия и наследником вѣчных
благ его сотвори.

Кондак 6

Проповѣдует мир весь хрис-
тиа́нский Твое́ всегда́шнее за-
ступле́ние сирот, вдови́ц и ма-
терей, о ча́дах молящихся и
вопиющих Бо́гу: *Аллилу́иа.*

Икос 6

Возсияй лучу́ благодати в ду-
ше́ ча́да моего́, да просвещѣн-
ный от Тебе́ свѣше, ўзрит путь,
веду́щий в живо́т вѣчный, и
послѣдует им, сохраня́емый под
Твои́м всемо́щным покрóвом,



в Царство Сына Твоего, идеже
жизнь безконечная, и сего ра-
ди услыши мя, зовущую Тебе
сице:

Воспита́й чадо моё свѣтом
міра, да свѣтит свет его́ пред
людьми́, и да ви́дяще его́ до́б-
рая дела́, просла́вят Отца́ Не-
бе́снаго; воспита́й чадо моё
просвещѣнным от Сына Твоего́,
да во свѣте Его́ у́зрит свет и
напра́вит стопы́ своя́ к Немѹ.

Воспита́й чадо моё всегда́
обраща́ющим о́чи се́рдца своего́
к Созда́телю всяческих; воспи-
та́й чадо моё, путево́дствующи
звездóю у́треннею, яже есть
Сын Твой, во обители пра́вед-
ников.



Воспита́й ча́до моё крóтким,
молчали́вым и трепéщущим сло-
вёс Бóжиих; воспита́й ча́до моё
любя́щим Тебе́ и Сы́на Твоего́
не то́кмо умóм, но и сёрдцем.

Воспита́й, Влады́чице, ча́до
моё (*имя*) досто́йным Небе́снаго
Ца́рствия и насле́дником вéчных
благ его́ сотвори́.

Кондак 7

Хотя́щу ча́ду моему́ вéчнаго
спасе́ния, со слезáми предстою́
пред честнóю Твое́ю ико́ною,
Влады́чице, да не прéзреш
молéния моего́, внемлѣ́ звáти ми
Сы́ну Твоему́: *Аллилу́иа*.



Икос 7

Но́вую покажи́ ми́лость на
ча́де моём и дѣ́вными и неиз-
сле́димыми судьба́ми Сы́на Тво-
его́ привле́цы его́ Твоё под
Свой благода́тный покрóв, да со
усе́рдием зову́ Ти:

Воспита́й ча́до моё и́щущим
пре́жде Ца́рствия Бо́жия и пра́в-
ды Его́; воспита́й ча́до моё
входя́щим те́сными враты́ в жи-
вóт вѣ́чный.

Воспита́й ча́до моё на вся́ком
ме́сте творя́щим во́лю Сы́на
Твоего́ и Бо́га; воспита́й ча́до моё
не глаго́лющим, ниже́ мы́слящим
хулу́ на Ду́ха Свята́го.



Воспита́й ча́до моё вопи́ющим
Бо́гу день и ночь; воспита́й ча́до
моё в ма́лом числѣ избра́нных
Твои́х.

Воспита́й, Влады́чице, ча́до
моё (*имя*) досто́йным Небе́снаго
Ца́рствия и насле́дником ве́чных
благ егó сотвори́.

Кондак 8

Стра́нствующе в юдо́ли сей
земно́й, многоско́рбной и много-
мяте́жной, ча́до моё где обретёт
отра́ду и утешѣние, а́ще не в Тебе́,
Пречи́стая? Путево́дствуй же егó
и наста́ви егó на путь и́стин-
ный, да зовет Бо́гу: *Аллилу́иа*.



Икос 8

Всем еси Мати мѣлюющая,
Ты, Владѣщице, и хощу, да пре-
бѣдѣши Материю чѣдо моему.
Се вручаю его в рѣце Твоѣ и во
смирѣнии прошу Тя:

Воспитаѣ чѣдо мое бѣдрству-
ющим и молящимся, да не вни-
дет во искушѣние; воспитаѣ чѣдо
мое милосѣрдным, якоже Отец
Небѣсный милосѣрд есть.

Воспитаѣ чѣдо мое в простотѣ
младѣнческой, яко таковыхъ есть
Цѣрство Бѣжие; воспитаѣ чѣдо
мое мѣньшимъ всехъ, да бѣдетъ
предъ Бѣгомъ велѣкъ.

Воспитаѣ чѣдо мое соблюда-
ющимъ слѣво Бѣжие, причѣст-



ником блаженства райскаго егѡ
содеваючи; воспита́й чадо моѡ
благонадѣжным для Царства Не-
бѣснаго.

Воспита́й, Влады́чице, чадо
моѡ (*имя*) досто́йным Небѣснаго
Царствія и наслѣдником вѣчных
благ егѡ сотвори́.

Кондак 9

Всякаго добра́ ду́шу и се́рдце
ча́да моего́ испо́лни, Де́во,
подаю́щая от щедро́т Твои́х
всем по коегѡждо потре́бе, и
отжени́ от негѡ злосмра́днаго
ду́ха безбо́жия, да зоветъ Бо́гу:
Аллилу́иа.



Икос 9

Ветій суемудренных вещанія,
не разумёющих Твоего всемоу-
щнаго заступлёния, да не внидут
во уши чада моего, молю Тя,
вопиюще:

Воспита́й чадо моё в цело-
мудрии и послушании; воспита́й
чадо моё бѣгающим утѣхъ міра и
прелестей вѣка сего.

Воспита́й чадо моё уклоняю-
щимся от зла и творящим благо;
воспита́й чадо моё творящим
добрый плод.

Воспита́й чадо моё любящим и
молящимся о вразѣхъ своихъ; вос-
пита́й чадо моё совершеннымъ, яко
совершенъ Отецъ нашъ Небесный.



Воспита́й, Влады́чице, ча́до
моё (*имя*) досто́йным Небе́снаго
Ца́рствия и насле́дником ве́чных
благ егó сотвори́.

Кондак 10

Спасти́ хотя́ мир, Сын Твой
при́иде с небесе́ призва́ти не
пра́ведники, но грёшники на по-
кая́ние. Сего́ ра́ди моли́ Сы́на
Твоего́ о ча́де моём, да спасённый
Тобо́ю воззовёт Бо́гу: *Аллилу́иа*.

Икос 10

Стена́ несокруши́мая бу́ди,
Небе́сная Цари́це, ча́ду моему́, да
Тобо́ю огражда́ем и наставля́ем,



возмо́жет соде́яти мно́жество
благі́х дел, да и с сим зову́ Тебе́
си́це:

Воспита́й ча́до моё́ ве́дущим
твори́ти во́лю Сы́на Твоего́ и
Бо́га; воспита́й ча́до моё́ нена-
ви́дящим грех и вся́кое без-
закóние.

Воспита́й ча́до моё́ лю́бящим
добро́ и вся́кую добродéтель;
воспита́й ча́до моё́ в чистоте́
непорóчной.

Воспита́й ча́до моё́ восходя́щим
по ле́стнице добродéтелей на
кийждо день; воспита́й ча́до моё́
в го́рести своéй обраща́ющим
о́чи свои́ к Твоему́ милосéрдию.

Воспита́й, Влады́чице, ча́до
моё́ (*имя*) досто́йным Небе́снаго



Цáрствія и наслѣдникомъ вѣчныхъ
благъ егó сотвори.

Кондак 11

Пѣти Твоѣ необорѣмое зас-
туплѣніе вѣну сподóби чáдо
моѣ, да Твоѣю благодáтию от-
вѣрзетъ устнѣ свойѣ воспевáти
Бóгу: *Аллилуѡа*.

Икос 11

Светопріѣмную свещу, пламе-
нѣющую и истаивáющую отъ
любвѣ къ Тебѣ и Сыну Твоему и
блѣжнему день и ночь, живóт
чáда моего содѣлай и не прѣзри
менѣ, зовущую Ти:



Воспита́й ча́до моё лю́бящим
Тя от всего́ се́рдца и помышле́-
ния; воспита́й ча́до моё всегда́
взира́ющим на крест и страда́ния
Сы́на Твоего́.

Воспита́й ча́до моё отверза́-
ющим устне́ своя́ то́кмо на
похвалéние и прославлéние бла́-
гости Твоея́; воспита́й ча́до
моё ждúщим пришéствия Сы́на
Твоего́ со слезáми.

Воспита́й ча́до моё в моли́тве
трéзвенной и непрестáнней; вос-
пита́й ча́до моё в благоговéнии
всегда́ Тебé предстоя́щим.

Воспита́й, Влады́чице, ча́до
моё (*имя*) досто́йным Небéснаго
Цáрствия и наслéдником вéчных
благ его́ сотвори́.



Кондак 12

Благода́тию неизрече́нною Ду́ха Свята́го напитай се́рдце ча́да моего́, е́же возлю́бити то́кмо Сы́на Твоего́ и Бо́га, и Тебе́, Преблага́ю, да быв Тобо́ю подви́жаем, зовет Царю́ всяческих: *Аллилу́иа*.

Икос 12

Пою́щи Твое́ милосе́рдие, ѿмже ми́луеши и пита́еши ча́до мое́, молю́ся: не преста́й проси́ти о нем Сы́на Твоего́, вся бо Тебе́ возмо́жна суть, и испо́лни во бла́го молю́бы моя́ таковы́я:

Воспита́й ча́до мое́ испо́лненным Ду́ха Свята́го; воспита́й



чадо моё обрестися на Суде Сына Твоего одесную.

Воспита́й чадо моё живущим свято; воспита́й чадо моё благодатию Духа Божия твёрдо на пути́ вёрнем пребывающим.

Воспита́й чадо моё в пла́че о гресѣх жити́е своё проводящим; воспита́й чадо моё а́лчущим и жа́ждущим Божия благодати.

Воспита́й, Влады́чице, чадо моё (*имя*) досто́йным Небе́снаго Ца́рствия и наслѣдником вѣчных благ его́ сотвори́.

Кондак 13

О, Всепѣтая Ма́ти Иису́са Сладча́йшаго! Приими́ си́е ма́лое



ака́фистное моле́ние, в воню́ бла-
гоуха́ния духо́внаго о ча́де моём
прино́симое, и покрый егó ми-
лосе́рдным Твои́м покрóвом.
Да́руй ему́ мы́слити, ве́дати,
слы́шати, глаго́лати и твори́ти
то́чию Тебе́ и Сы́ну Твоему́
уго́дная и спасе́нию душі́ егó
споспéшная. И послі́ ему́ в
жизни сей привре́менной вся
потре́бная к ве́чному спасе́нию,
да зовет Бо́гу: *Аллилу́иа*.

*Этот кондак читается три-
жды.*

Икос 1

А́нгела с небесе́ послáти ча́-
ду моему́ исходáтайствуй, Пре-



святáя, у Сы́на Своего́ и Бо́га,
я́коже и Тебе́ по́слан бысть
храни́тель прекре́пкий —
Гаври́л Арха́нгел, и сподо́би мя
взывáти Тебе́ сѣце:

Воспита́й ча́до моё земнымъ
А́нгеломъ; воспита́й ча́до моё
небе́снымъ челове́комъ.

Воспита́й ча́до моё Тебе́ уго́д-
нымъ; воспита́й ча́до моё сокру-
ше́ннымъ ду́хомъ и се́рдцемъ.

Воспита́й ча́до моё Твои́мъ ра-
бо́мъ; воспита́й ча́до моё зову́щимъ
Тебе́: «Ра́дуйся, Благода́тная, Гос-
по́дь с Тобо́ю!»

Воспита́й, Влады́чице, ча́до
моё (*имя*) досто́йнымъ Небе́снаго
Ца́рствия и насле́дникомъ вѣчныхъ
благъ его́ сотвори́.



Кондак 1

Взбра́нной Воево́де и благо́й
Воспита́тельнице ро́да христиа́н-
скаго, я́ко изба́вльшеся от злых,
благодáрственная воспису́ю Ти
раба́ Твоя́, Богоро́дице, но я́ко
иму́щая держа́ву непобеди́мую,
от всяких бед ча́до моё свободи́,
да со слезáми бо зову́ Ти:

Воспита́й, Влады́чице, ча́до
моё (*имя*) досто́йным Небе́снаго
Ца́рствия и насле́дником вѣчных
благ его́ сотвори́.

Молитва

О Пресвята́я Влады́чице Де́-
во Богоро́дице, спаси́ и сохрани́



под крѡвом Твоѣм моих чад
(имена), всех отроковъ, отроковицъ
и младенцевъ, крещёныхъ и ещё
безымянныхъ. Укрѡй ихъ ризою
Твоѣю матернею, соблюди ихъ
во стрѣсе Бѡжии и послушании
родителемъ, умоли Гѡспода моего
и Сына Твоего, да даруетъ имъ
вся полезная къ спасенію ихъ.
Вручаемъ ихъ Твоему матернему
смотренію Твоему, яко Ты еси
божественный покровъ рабѡмъ Тво-
имъ. Аминь.

Тропарь, глас 4-й

Воспитавшейся во храмѣ во
святая святыхъ, одеянной вѣрою
и премудростию и безмѣрнымъ



дѣвством, архистратѣгъ Гавріилъ
принесѣ съ небѣсъ целованіе и
ѣже «Радуйся, радуйся, Благосло-
венная, радуйся, Препросла-
вленная, Господь съ Тобою!»

Кондакъ, гласъ 6-й

Не имамы инѣя помощи, не
имамы инѣя надежды, разве
Тебѣ, Владычице. Ты намъ по-
мози, на Тебѣ надеемся, и тобою
хвалимся, Твой бо есмь рабъ, да
не постыдимся.



Акафист
Пресвятой Богородице
в честь иконы Ее «Воспитание»

Редактор: Плюснин А. И.
Технический редактор: Ивашкова В. Ю.
Корректор: Плюснин А. И.
Верстка: Мельниченко О. В.
Дизайн обложки: Зимихин А. А.

Подписано в печать 09.11.2015.
Формат 70х90/32. Бумага офсетная.
Печать офсетная. Гарнитура Таймс.
П. л. 1. Тираж 30000 экз. Заказ

Издательство «Благовест». Адрес: 123182,
г. Москва, ул. Авиационная, дом 13

Икона Пресвятой Богородицы «Воспитание»
на лицевой стороне обложки написана
в иконописной мастерской Екатерины Ильинской©
[www. Icon-Art.Ru](http://www.Icon-Art.Ru), тел.: 8(495) 642-55-16, 8(926) 534-19-80

Отпечатано ОАО ПИК «Идел-Пресс»
420066, г. Казань, ул. Декабристов, дом 2
e-mail: idelpress@mail.ru
[www. idel-press.ru](http://www.idel-press.ru)

ПОСЕТИТЕ ИНТЕРНЕТ-МАГАЗИН
издательства «БЛАГОВЕСТ»

WWW.BLAGOVEST-MOSKVA.RU

много православных книг и икон, акции и скидки
для ОПТОВЫХ И РОЗНИЧНЫХ покупателей

Телефоны: (495) 787-50-72, (495) 942-53-72

8-800-333-11-78

звонок из любого региона России – БЕСПЛАТНО!